

FUNCIONARIOS

DENOMINACION	Nº PLAZAS	GRUPO	NIVEL
Secretario-Interventor	1	B	26
Administrativos	1	C	22
Auxiliar	1	D	
Alguacil	1	E	14

PERSONAL LABORAL TEMPORAL

DENOMINACION	Nº PLAZAS
Asistente social	1

O que se publica de conformidade co disposto na Lei 39/88, do 28 de decembro, para coñecemento e efectos.

Oia, a 1 de xuño de 1999.—O Alcalde-Alvaro Miniño Rodríguez.

6214

* * *

PONTEAREAS**EDITO**

O non terse presentado reclamacións á aprobación inicial das Ordenanzas Municipais que de seguido se relacionan, realizada polo pleno con data 12 de marzo de 1999, quedan elevadas a definitivas co texto íntegro seguinte:

ORDENANZA REGULADORA DA TAXA POR OCUPACION DE TERREOS DE USO PUBLICO MUNICIPAL CON MESAS, CADEIRAS, TRIBUNAS, PLATAFORMAS E OUTROS ELEMENTOS ANALOGOS, CON FINALIDADE LUCRATIVA

ARTIGO 1.—NATUREZA E FUNDAMENTO

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da Taxa por ocupación de terreos de uso público municipal con mesas, cadeiras, tribunais, plataformas e outros elementos análogos con finalidade lucrativa.

ARTIGO 2.—FEITO IMPOÑIBLE

Constitúe o feito imponible da taxa a utilización privativa ou aproveitamento especial do dominio público municipal polos conceptos que se sinalan no título da taxa.

ARTIGO 3.—SUXEITOS PASIVOS

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible.

ARTIGO 4.—RESPONSABLES

— Serán responsables solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

— Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

ARTIGO 5.—COTA TRIBUTARIA

A cota desta taxa será a que figura no anexo desta ordenanza.

ARTIGO 6.—BENEFICIOS FISCAIS

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7.—PERCEPCION

Percíbese a taxa e nace a obriga de contribuír:

— Nos servicios de retribución puntual: no momento de presentala solicitude de concesión ou autorización.

— Nos servicios de retribución periódica: percibirase a taxa o día primeiro de cada ano natural.

ARTIGO 8.—LIQUIDACION

— Cando se trate de servicios puntuais, liquidarase e esixirase a taxa en calidade de depósito previo, en todo caso antes de iniciarse o trámite do expediente de concesión ou autorización do aproveitamento solicitado.

— Cando se trate de servicios de retribución periódica, liquidarase e esixirase a taxa nos períodos que se sinalen na tarifa da taxa ou na liquidación única anual.

— De realizarse o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

ARTIGO 9.—INGRESO

O pagamento desta taxa realizarase:

— Nas liquidacións de contraído previo: na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.

— Nas liquidacións por recibo ou padrón: nas datas e entidades financeiras ou oficinas que se sinalen no edito de exposición pública do padrón.

ARTIGO 10.—INFRACCIONS E SANCIONS

Nesta materia estarase ó disposto na Lei xeral tributaria e normativa de desenvolvemento.

ARTIGO 11.—NORMAS DE XESTION

— As persoas ou entidades interesadas na concesión ou autorización para realiza-los aproveitamentos sobre o dominio público municipal ás que fai referencia esta taxa deberán presentar unha solicitude achegándolle o plano e o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

— No caso de denegarse as autorizacións, ós interesados poderán solicita-la devolución da taxa ingresada en calidade de depósito previo.

— Unha vez autorizada ou concedida a licencia de aproveitamento, entenderase prorrogada mentres non presente a declaración de baixa o interesado.

— Cando remate o aproveitamento, os suxeitos pasivos formularán as declaracións de baixa no censo ou padrón da taxa e producirá efectos no período natural seguinte ó de presentación da mesma, podendo, no seu caso, prorratearse por meses: A non presentación da baixa determinará a obriga de continuar aboando a taxa.

DISPOSICION FINAL

A presente ordenanza fiscal, no suposto de non producirse reclamacións, quedará elevada a definitiva e a súa entrada en vigor será a da data da súa aprobación definitiva, independentemente da publicación do texto íntegro no Boletín Oficial da Provincia.

A N E X O**Primeiro. Tarifa.**

A estrutura e contía desta taxa será a seguinte:

- Ocupación con cadeiras ou cadeiras de brazos, por un día e unidade: 6 ptas.
- Ocupación con mesas ou veladores, por un día e unidade: 15 ptas.

ORDENANZA REGULADORA DA TAXA POR SERVICIOS DE MATADOIRO, LONXAS E MERCADOS, ASI COMO O CARREXO DE CARNES, DE TER QUE UTILIZARSE DUN MODO OBRIGATORIO, E SERVICIOS DE INSPECCION EN MATERIA DE ABASTOS, INCLUIDA A UTILIZACION DE MEDIOS DE PESAR E MEDIR

ARTIGO 1.—NATUREZA E FUNDAMENTO

En uso das facultades concedidas polos artigos 133.2 e 142 da Constitución, polo artigo 106 da lei 7/85, de 2 de abril, reguladora das Bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da lei 39/88, de 28 de decembro, acorda a imposición e ordenación da Taxa por servicios de matadoiro, lonxas e mercados, así como o carrexo de cames, de ter que utilizarse de modo obrigatorio, e servicios de inspección en materia de abastos, incluída a utilización de medios de pesar e medir.

ARTIGO 2.—FEITO IMPOÑIBLE

Constitúen o feito imponible da taxa a prestación dos servicios de matadoiro, lonxas e mercados, así como o carrexo de carnes de ter que utilizarse dun modo obrigatorio, e servicios de inspección en materia de abastos, incluída a utilización de medios de pesar e medir.

ARTIGO 3.—SUXEITOS PASIVOS

Serán suxeitos pasivos desta taxa as persoas físicas e xurídicas e as entidades ás que se refire o artigo 33 da Lei xeral tributaria que soliciten ou resulten beneficiadas ou afectadas polos servicios ou actividades que se detallan na tarifa da taxa.

ARTIGO 4.—RESPONSABLES

— Serán responsables solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

— Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

ARTIGO 5.—COTA TRIBUTARIA

A cota desta taxa será a que figura no anexo a esta ordenanza.

ARTIGO 6.—BENEFICIOS FISCAIS

Soamente se admitirán os beneficios que veñan establecidos en normas con rango de Lei ou deriven de tratados ou acordos internacionais ou na presente ordenanza fiscal.